

D ereduko aurrematrikulazio eskaerak gainezka egin du aurten Gasteizen

Hezkuntzaren arabera, sare publikoan 525 leku eskaini eta 528 eskatu dituzte

Aurrematrikulazioko behin-behineko datuen arabera, Gasteizko zentro publikoetan gainezka egin du D ereduaren eskaerak. A ereduak, berriro, oso gutxi eskatu dute: 500 plaza eskaini eta soilik 188 eskatu. «A ereduak eskaera gehiago izango luke emaitza hobeak izango balitu», esan du Oliveri sailburuak.

LUIS KARLOS GARCIA / GASTEIZ



Oliveriren arabera, A ereduak 500 leku eskaini dituzte Gasteizen eta 188 eskaera bakarrik izan dira. OLALDE

Inaxio Oliveri Eusko Jaurlaritzako Hezkuntza sailburuak Jôsu Gangoiti Arabako ordezkari berria aurkeztu zuen atzo Gasteizen egin prentsurrekoan. Gangoiti, 40 urteko Filosofia eta Hezkuntza Zientzietan lizentziatu euskalduna, Kontseilariak bultzatu nahi duen «berrikuntza politikarako egokitzat» hartu zuen Oliverik.

Oro har, Hezkuntza Sailaren lurraldeetako ordezkariak buhur deklaratu zuenez, «delegazioek hezkuntza sail txikiak izan behar dute». Oliverik, hala ere, honako era honetan bereizi zuen bien eginbeharra: «Hezkuntzak hezkuntz administrazio orokorra jatu behar du, eta ordezkariak, berriz, gestio eta erabakirako benetako ahalmena izan behar dute».

Delegazioen lanen inguruko kontuak aipatuta ere, A ereduari buruz sortutako ika-mikaz ere «nahitanahiez» hitz egin beharra zeukala esan zuen; izan ere, atzo Felix Ormazabal Araba Buru Batzarreko lehendakariak esan-

dakoak agertu ziren komunikabideetan, besteak beste, Oliverik azken egunetan A ereduaz komentatutakoak kritikatu.

FELIX ORMAZABALEN AURKA

Oliveri kontseilariak esan zuenez, Ormazabalek esan zituenak esateko «elektoralismo ala lerdokeriagatik» esango zituen, eta «argi eta garbi» utzi nahi izan zuen ez duela A ereduak desagertarazi

behar. «Ez dut A ereduak debalatu behar, suspertu baizik», aipatu zuen sailburuak. Oliverik informatu zuen gaur egun ereduak ebaluatzen lanean ari direla —1991. urteaz geroztik ebaluatetik ez dela egin esan zuen— eta zenbait eremutan aztertu egin behar dutela, ez soilik euskararen inguruko ikasketa maila.

Kontuaz datuen bidez mintzatzeko, Gasteizko zentro publikoetan azken asteetan lehendabi-

ziko hezkuntza mailerako egindako aurrematrikulazioari buruzko datuak eman zituen. Oliveriren arabera, Hezkuntzak A ereduak 500 plaza eskaini zituen eta 188 soilik eskatu zituzten guraso gasteiztarrek; B ereduak 325 eskaini eta 238 eskatu ziren; D ereduak, berriz, 525 eskaini eta 528 eskatu ziren. Oliveriren arabera, datuok «esanguratsuak» dira gizarteak eskatu eta nahi duenari dagokionez.

EAEko 31 elikagai enpresa Madrilgo Nazioarteko IX. Erakusketan

GASTEIZ

Euskal Autonomi Elkarteko (EAE) 31 elikagai enpresa izango dira orotara Madrilgo Gourmeten Klubak antolaturiko Nazioarteko IX. Erakusketan Eusko Jaurlaritzak edukiko duen stand-ean. Erakusketak gaur hasiko da, eta martxoaren 20ra arte iraungo du. Jaurlaritzako iturriek nabarmendu duteenez, Arabako Errioxako ardoak, Getariako eta Bizkaiko txakolia, Idiazabalgo gazta eta kontserba desberdinak izango dira EAEk azoka honetara aurkeztuko dituen produktu nagusiak.

Izan ere, Elikadura Kalitatearen Eusko Labela daukaten produktuez gain (Arabako Patata, Bertako Bildotsa, Bertako Eztia, Baserriko Oilaskoa, Gernikako Piperra eta Behi Okela) Jaurlaritzaren stand-ak Arabako Errioxako hamaika ardoren ordezkariak, Idiazabalgo gaztagile bat, Getaria eta Bizkaiko txakolina, zortzi kontserba enpresa, patxaran ekoizle bi, beste sagardo ekoizle bat eta Arrantza eta Elikagaien Teknologia Institutua (AZTI) bera ere bilduko ditu.

HONTZA ELKARTEAREN X. URTEMUGA

Kontzertua

XABIER MUGURUZA



GAUR, LOIOLAKO KULTUR ETXEAN. 20,00tan

Antolatzaile:
Loiolako Kultur Etxea eta Hontza elkarteak



Donostia-Udala
Ayuntamiento de San Sebastián



KULTUR
UDALA
POR ONATA

IRUNGO



UDALA

BANDOA

FRANCISCO BUEN LACAMBRA JNA., IRUNGO
UDAL TXIT GORENEKO
ALKATE-LEHENDAKARIAK

JAKINARAZTEN DU:

Korrikak, euskararen lasterkaldiak, Bidasoa ibaia martxoaren 18ko arratsaldeko bostak eta hogeita lau minutuetan zeharkatuko duela, Irungo hirira iritsiz. Gure eskualde honetan 26 km. egin ondoren Gasteizerako martxan jarraituko du, euskararen alde. Hiritar guztien izenean ongi-etorrikeri beroena eman nahi diot Korrika 9-ri, egin behar duen bide luze horretan arnasik galdu gabe jarrai dezan.

Euskararen bide aldapsua lau bihurtzea denon lana da, eta Korrikak gure hiria uzten duenean, eta urte osoan zehar, bere hatzei jarraitu behar diegu. Horretarako, euskaraz dakizuenok... jaldi plazara! Ni bezala, ikasten ari zaretenok... ez etsi! Eta euskara arma politiko gisa erabili nahi duten horiek, ordea... denon patrimonioa dela kontura daitezela! Denak korrikan, norabide berean, EUSKARARENEAN.

Horregatik, ekintza garrantzitsu honen aurrean, hiritar guztiak animatu nahi nituzke Korrikan bertan, eta horren inguruan antolatuko diren ekitaldietan, parte aktiboa har dezaten, denok gozatu eta euskararen alde lan egiteko aukera paregabea baita.

Eta hau plazaratzen da, hiritar guztiak jakin dezaten, Irunen mila bederatzirehun eta laurogeita hamabosteko martxoaren hamairuan.

ALKATEA



Francisco Buen Lacambra

Konpetentziekin arduratsu izateko eskatu die ELAK Hezkuntzako buruei

DONOSTIA

Euskal Autonomi Elkartek (EAE) zein Nafarroak dituzten konpetentziekin arduratsu izateko eta behar bezala defenditzeko eskatu die ELAK, Inaxio Oliveri Jaurlaritzako Hezkuntza sailburuari eta Nafarroan kargukide duen Javier Markotegiri. Izan ere, Espainiako Hezkuntza Ministerioak bi lege proiektu bidali berri ditu Parlamentura, bata ikastetxeen partehartze, ebaluazio eta gidaritzari buruzkoa, eta bestea zuzendaritza karguetan dauden agintaldia urtebete luzatzen duen lege organikoa. ELAKen irudikoz, bi lege horiek Nafarroak zein EAEk hezkuntza gaietan dituzten eskuduntzen kontrakoak dira.